

初仕錄一卷

〔明〕吳遵撰

明崇禎金陵書坊唐氏刻官常政要本

直刻初仕錄目錄

定志 誓始 居敬 克偏 慲忿

持廉 守謙 仁恕 果斷

崇默 遠嫌 去讒 充德量

戒獨任 去先意 正家法 戒科罰 保終

立治篇 知止 立信 去譏

看臨 重文移 謹僉抑 考銷繳 地理

讀律令 查舊案 上任 優知 視學

無咎 置紀指 重文移 謹僉抑 考銷繳

承上司 處條屬 防吏書 取門禁 別善惡 審榷機

文屬 公署委

目錄

戶屬 慎倉庫 明謀算 節供費 清田賦

造黃冊 勸農桑 寬卯酉 定催徵 審均徭

廣商稅 平市價 理鹽法 救災荒

禮屬 謹儀節 肅公晏 正風化 勵學校

禮士夫 恤孤老 重軍需 查驛遞 清軍匠

兵屬 兵公役 簡民兵 公聽斷 明發落

肅巡警 設保甲 嘘告訐 審詞狀

刑屬 檢屍傷 懿工役 固城池

興水利

目錄終

重刻初仕錄

克偏

河南道監察御史吳遵著

太平府當塗縣知縣沈子木校

金陵三山街書坊唐錦池惠曄重梓

崇本篇

定志

古人謂有基築室者萬事之基也故視事之初必先預立一定不可易之志如古時循吏近代名臣善政善言必期可法矢諸天日盟諸鬼神不惑於奸吏不奪於妻子不沮於權貴守之終身則正大高明之事業基於此矣謹始

事必謹始蒞事之初十民觀聽所係廉汚賢否所基作事務

須詳審未可輕立新法恐不宜人情後難更改持身務須點

檢清白切不可輕與人交恐一有濡染動遭鉗制不但賄賂可以污人而已如好技藝則星算醫卜者投之如好奇玩則古書奇畫者入之如好花卉則或以奇花異草中之嗜好一偏或投機辨雖詩文之交亦有移情敗事者不可不謹至如到任之始有送吏書門皂者尤宜謝絕

居敬

昔賢云持己得一敬字敬者脩身立政之本也衣冠必正言動必端凡一毫譖浪之語絕口不談一毫輕舉之事絕戒不爲非禮嫌疑之地絕足不至雖對門吏亦加嚴質則心志自定位望自尊可以遠慢辱可以杜謗議所謂不怒而民威矣

偏最害事人之材質不同而溺於意向所偏已不自覺人亦將以偏處乘之投吾所喜激吾所怒敗官敗事恒必由之如弛緩須克之以敏多言須克之以默浮躁須克之以莊煩苛須克之以大體隨吾氣質所偏意向所溺卽爲病痛有覺便當力治亦古人弦章之義也

懲忿

七情所偏惟怒爲甚怒如枚焚制之在忍苟不能忍非徒害人忤物抑且憤事傷生故居官者逞怒於刑則酷而冤發怒於事則舛而亂遷怒於人則怨而叛矣務須涵養其氣質廣大其心胸非禮之觸必思明哲所容無故之加必慮禡機所伏先事常忌憤怒理遺怒已則如風恬很靜非惟善政亦可

養生

持廉

清慎勤固居官領獎而清爲本凡爲士大夫者萬分廉潔止是小善一點貪污便成大惡士之失已如女之失身雖有他美終身莫贖無能而廉人將亮之猶可以救過多能而貪人必知之百孔千瘡終當瓦裂益衣食之外皆爲長物一身之微所享幾何世之貪者不過爲官室妻妾子孫謀也殊不覺有贓沒敗官辱及妻孥者有遺臭里間唾罵及於父母貽辱逮於子孫至於不政認爲已祖者苟一興念能無痛心昔人有云子孫不如我要錢做甚麼子孫強似我要錢做甚麼真格言也

守謙

敵爲凶德人不可有今人有自恃才能而慢上官自矜清廉而傲同列自恃科甲而輕士夫有一於此皆足以喪名敗德故居官者必虛以受人示其能聽卑於下人示其能容廣滿盈則思抑損聞譽言則思謙降無驕心無傲色無矜辭民安而視之若傷政成而視之若寵頌作而視之若謗終日兢兢不萌怠荒庶可以從政矣

仁恕

天道神明人命不可毒殺高官大爵豈徒自肆於民上哉居官者要必仁以存心恕以立政如催科則思民有朝食不飽者用刑則思民亦父母所生者一錢一杖不忍濫施其罰嚴寡寢疲癃皆吾赤子雖隸卒下人不輕怒詈之而至於盜賊亦曰饑寒所迫不輕誅戮先儒謂一命之士苟存心於愛物於初告錄

人必有所濟故天道好遠刑官無後切宜慎之若姑息胸腹以爲恩者其去仁遠矣

果斷

需者事之賊也故執狐疑之心者來讒賊之口持不斷之意者啓猶豫之門況居官守百貞所萃自非果決惡能有成非惟惰悞事機抑且致生奸巧或聽吏書之曲稟或入門隸之令言往再柯攀竟成閭鄰上官惡其廢事小民病其牽延妨政損名率由於此故事既詳審斷在必行其有擬議未決者不宜先露其端以爲史卒要索之地可也

崇默

言者吉凶榮辱之樞機也爲官常默最妙使下人不能窺是非曲直止以數言剖之故萬言萬中不如一默方喜方

尤宜認言益輕諾招尤漏言僨事一詞輕發駭馬莫追言者存心養氣修德蓄威之助也三獄之諭君子慎之立信

信者居官立事之本與民信則不疑而事可集矣期會必如其約無因冗暫違告諭必如其言無因事暫改行之始必要之終責諸人必先諸己待士夫尤宜以信處之雖以事相托勢不可行必異言開闢明告其所以不可行之由毋而諾而背違母陰非而陽是處同僚亦然有過必規有言必踐久久自然孚洽苟一時欺誑則終身見疑矣

遠嫌

嫌疑之事易生謠謡當防於未然雜流之人不可交嫌疑之地不可往非禮之餞不可受內言不可出外言不可入富戶俳優不宜私見門隸下人不宜私語蓋一涉於嫌疑則奸詭者得以指名誣索仇疾者得以造言嫁禍矣慎之

去讒

讒諂之人最能敗事蓋讒者乘吾之怒而行譖諂者投吾之喜而獻諂易於變亂是非顛倒曲直苟借以辭色則訓私報怨送暖偷寒者無不至矣如譽吾之善當思有何實惠及民毀人之惡卽詰有何顯迹敗露如此則讒邪屏息而舉動光明矣

充德量

有容德乃大有忍事乃濟益容則能恕人忍則能耐事一毫之拂卽勃然而怒一事之違則憤然而發一善之長卽公水暴一言之譽卽爲動容皆無涵養之力薄福之人也昔人謂

愚識長聞事不喜不驚者可以當大事靜能制動沉能制浮寃能制褊緩能制急是故大丈夫當容人無爲人所容當制欲無爲欲所制觀其師德丙吉之爲人則氣自平而理自明矣

戒獨任

偏聽生奸獨任成亂此常理也吏胥巧猾先意窺伺苟樂其便於使令少加辭色則爲下民耳目所歸狐假鼠偷奸欺萬狀矣故必六房吏典值日輪流門隸細人隨便差遣小事呼喚不必專名公務往來動宜稽察當堂問斷勿許假公吞私徇封閉勿令無故擅入到家迎接者尤宜遠嫌出路跟隨者務嚴約束如此則上聽不偏愚民無惑矣

去先意

新初上錄
五
凡居先雖欲與利除害與民造福俱要軍厚深沉隨機順應無爲肢露使人窺測如知我欲抑豪強則牽涉土豪名色知我欲清賦額則巧誣龍寄田糧變換情詞投吾意向啓覺實多矣如欲作一事申呈上官先府後司不可越其呈稟之詞亦宜謹慎謂確功歸於上使其孚信不積則事行無阻矣雖有縣同僚亦不可眩舉已長致生嫌妨事成之後視爲分所當然輜輶不衿可也

正家法

治家親身治民觀家古今格言也正家之道務在嚴謹勤儉嚴謹須防內屬往來家人出入勤儉須戒男婦荒惰服用侈靡蓋居宜所以不能約束下人者或因子弟出遊或因官衙靈榮遂致敗事守己所以不能終身清白者或因志滿驕奢

或因和買非法竟致敗官故惟節儉可以養廉惟正家可以立治一魚一菜食有常規三姑六婆門無濫接地方土物不宜輕買縱給價值亦涉嫌疑同僚妻女宜絕往來雖歲時間遺亦招物議家節既嚴則官箴自肅矣

戒科罰

科罰之條居官易犯人皆曰公需置乏假此權宜然不知銖銀斗粟悉民脂膏纖毫入己卽爲贓物雖公科官用亦非美名況以一科十適滋民蠹如遇公解倒塌上司文移有不得已而取之民者亦須開文無預登記必明事完之日起示以躬心迹可也有罪富家亦不宜濫罰例云罰民二十兩以上者雖公用不準支銷送部降用此亦不可不知也

保終

新初上錄
六
居官固難善始尤難令終蓋志每怠於宦成謗多起于去任近見居官者一蒙保獎便易初心得代交還視爲傳舍或諷民立名以頌功德或鳩民錢帛以佐路費貲資土宜饋送文結廣携器物搬刺道塗皆足以致謗敗名者也有識者慎之念之

知止

知足不辱知止不殆蓋此身不能長存富貴不能長保百年有盡造物忌盈士君子大爵高官匪徒溫飽完名全節斯爲今終尤宜寵則思危進不忘退無爲鑄競而辱士風勿以貪戀而移晚節古人以仕路風波譬諸宦海失脚渡船何時得到彼岸達觀者當自省矣

○立治篇

入境

新官入境乃士民觀德之始凡百舉動不可不慎離城三舍擇公廨或守宇停泊着落兵吏整祗候禮吏整禮儀吏開具上任參謁先後起數以便臨時酬答并問上任舊規接人恒禮預爲斟酌行之隨令灑掃合祭神宇會請在縣應祀諸神備祭儀以候謁告其祭品皆從署印官於無碍官銀處辦不必計其豐約看過儀注預戒禮生舉行如禮上任先一日侵晨首領官率領各房吏典并各屬官生員人等迎接入城至城隍廟宰牲所齋宿務竭誠敬無僉僚家肴飲失儀次早行祭其祭文必須親裁以不貽自昔庶堅初心且有威格祭時止用便服獻爵讀祝皆行謨禮今或不然皆用祭服更詳之是日仍令兵吏戒諭諸人勿令喧嚷不必張彩旗鼓樂方

向雖不必拘忌亦不宜先執已見以違民心其有違忤者未可遽行杖責

上任

城隍廟祭畢即以便服各役人導引至儀門祭門畢易公服從中道徒步至公庭詣香案前望

關謝恩畢與僚屬拱手上堂着禮吏二房吏分付諸色人各於儀門外以次伺候如有鼓樂者先敲庶無喧雜先揖同僚一人倍學官後堂坐迺升座皂隸排衙陰陽生報時直堂皂隸一人請書案吏農以大書押印吏房吏請書公座署印官出位文印遞關文聽事吏請書到日直印吏開印呈驗受畢轉後堂易便服出堂上就座禮生分立廳左右唱呼諸色役參謁皆須自下而上先門廊次戶舍次坊鄉里長次陰

陽學次合屬吏典六房吏典俱行兩拜禮座受次生員拜

出座答拜次合屬官拜還座拱手次首領官拜亦答拜次學官及同僚官拜俱左右答拜禮畢輪餘屬道禮生代誦立聽之復揖同僚一員陪學官後堂坐請生員先出下堂送復還座諭各屬退各房呈遞須知吏房先取到任公文僉押須吏典逐一指點僉押直印吏報開印就將所僉公文用印畢分付同僚及該吏各將公文倉庫獄囚門禁等項鑰匙整理文案逐一交割乃退坐延學官上坐待茶送出大抵初到禮度務要安詳語言不可輕發鄉士夫來賀及門陰陽生以次進報延接如常禮毋得混報以致大待公宴即以所祭物辦之務從儉約正官首席坐佐貳官東南坐學官西南坐首領官旁坐屬官不與吏禮房行酒五七行不得歌唱誦詳以禮而擊鼓散堂

樂初任錄

刻復升座分付佐貳首領同刑房下獄點囚封監回報及縣內應拘管諸人俱要分付停當封鎖倉門房庫等項俱完方擊鼓散堂

須知

吏部所給須知乃爲官要領須先期詳究到任次日分付吏房將各房各屬呈遞須知文冊類總督造書冊照欵登答各立前件如吏房要老本衙門各房吏幾名缺吏幾名及丁憂緣事幾名書手幾名以便查撥所屬官吏幾人有無完缺及陞遷着印以便委差如戶房要見該徵夏稅秋糧若干起運若干存畱若干各項丁差若干額辦歲課若干及何月日徵收是何月日起解何爲及期納為遞限自我到任以前某項

批公若干某項完結若干以便查考如禮房先問應祭壇宇幾所有無先賢祠墓古蹟與夫忠臣烈士及見在義大節婦孝子順孫并恬退隱逸禮應祭典者幾人鄉宦見任幾人致仕幾人及監生舉人生員幾人其接見常規悉開呈報以便優待境內寺觀若干所僧道若干人有無私納私度以便查覈如兵房要兒每年軍丁若干清查有無逃亡死絕遁何冊籍查考及本衙各衙皂隸若干名有無白役壞事弓兵若干名究問守何關隘何處巡司地方警急以便差撥均徭編審民壯若干名不時作何操練有無包胥及一人冒充數役者

呈報以憑查處鋪兵之役呈遞煩難何處地當孔道何處偏僻空間以便編審驛站船隻若干馬匹若干作何差遣以營勞逸不許該房需索常例以致害民如刑房先問在監囚犯

九
初仕錄

幾人看監吏幾名置開除實在監薄一扇日逐查看應監禁者牢固監禁應保候者首令羈候應問結者速與審理乃擇謹畏刑房吏三名或五日或六日輪流在監宿歇看守就令該吏按日呈遞不致耽誤結狀通收一處以便日後查考倘有不測之事卑有所歸一應上司及本衙門詞訟已結未結從實開具以便完繳凡拘提人犯非事干奸盜不許混拘婦女并輕駁入監以傷廉恥士夫之家尤宜慎之有婦人告狀者罪坐夫男至於犯姦的決者若令儀門之內決杖所有囚徒不許男女混監及隸皂私通調戲如工房須問歲時年滿幾何各衙門公廨及舖舍橋梁幾所有無倒塌去處屢加修理量其緩急為之察院分司椅桌牀櫈鋪陳幾件俱一

常川預備以待按臨各設木牌登記件數無致遺失本衙刻用

家火照例取應支官銀自辦牀帳棹椅力不能備者着方家開敷送進批付該房存案俟去任給領其有造作什物焚燒家用者多招物議尤宜戒之凡六房事宜俱照吏部原給須知開立前件明註某公物因何未備某錢糧因何未完某勘合詞訟因何未結日置案前訪求其故或有私匿公物侵欺錢糧埋沒文卷者亦因此可按其罪矣有未完者從長議處必求完結庶若滿之日不為所慮其有登答不如法者問以違制罪名此所謂提綱而領順者也

視學

到任三日早謁

文廟親問神牌廟宇有無損壞次閱啓聖祠次閱兩廡次閱名宦鄉賢祠畢升明倫堂與學官拜生員亦兩拜農里老等役庭參不拜生員擊鼓抽籤講書列等賞紙筆墨大論諸生無違臥碑無擅入公門自取簿待禮畢至各學官私衙答望隨往各壇行香并看養濟院就望鄉官

看監

到任後下監取出監簿逐項查點更問有無在外羈候如有應釋放者卽與釋放應保候者卽與保候應鎖押者卽與鎖押檢其牀櫈試其局鑰巡視周圍牆垣堅固分別罪囚輕重逐一區處交付吏禁毋得疎虞亦毋得乘機凌虐需計燈油牀席等錢仍置鑑一面有虐詐者許其擊鑑申屈以憑究治

交盤

庫藏關係甚大切不可草率領須先命戶吏庫吏造冊一樣五本空立前件并開銀匠姓名在冊當日會承領有質

於一堂照冊從前查起金銀命銀匠估看如合原估成色稱足固封短少卽令庫子補換其有盜賊衣服器物等件各宜檢看登記明白防人抵換正官書盤訖署印官書交訖餘官書交盤訖倉穀委官盤穀多不能盡盤止取斗給結狀亦可也

公座

凡官府首須侵晨署事每升堂後皂隸報門陰陽報時同僚揖首領一揖六房揖門庫參見始將公座簿以次僉押内外巡風灑掃提督管庫等各報無事自吏房起先將一日行過公文或申或帖或狀依數逐一稟報點對各房次僉押用印不許擅越印印分付直堂吏一頓發行不許亂發發行後始放里老抄圖入庫行過公事完過錢糧點視訖乃退堂

初

至已牌後升座問理詞訟幹辦公務至晚各房開報日收公文幾封明日該押公文幾角印參頭開白直堂吏申報其有申文招稿一并送看以便次日押行巡風吏票領各門封條監封庫訖直堂吏票公事畢乃堅鼓放堂其公座簿一月一冊月終封記架閣遇有文案差池則開折檢視庶責賞有所歸也

印信

衙門印信關係甚重每日封印須覈驗固封開印亦然該吏用印不得隔遠用時必報坐印鈐印數目用畢卽呈以防盗欺牌入印出印入牌出鎖匙常須覈帶在內亦須密藏毋爲家人透漏且置之便處以備不虞同僚面封雖係當場但公事活繁使用不時勿拘可也公差二五日可回封送佐底

收護止印空頭文書紙手本封套等類各數十張付該吏用回日查銷如公差得十日須關出佐職署掌半月外申呈批奪上司按臨吊取正官帶獄囚吏典等項赴查須帶印隨身屢便應用母泥明文佐貳暫置之說也其直印吏一月一換擇空閑馴實者用之亦須衆吏公同結保庶記後莫

門禁

衙門出入最宜防檢進退關鎖夜印封記嚴禁閉人出入借調以杜私弊雖應出入之人亦用關防驗之子弟家奴不許出外交涉同僚親故往來亦宜稟知吏典家人市貿各有常期照入左門置簿一扇登記逐日在官供應以便查考把門人役五日一換以絕交通可也

讀律令

大明律令處事之尺度權衡動不可違入官之初先將大明律熟讀次將律條疏義行移體式等書研心講貫更求諸衙門堂稿供招相參考究及選善行移者略資啓發其中呈上司供招俱要情與律合供與招合法家所云移情就律不可不察也假如威力制縛與威逼人死相去不遠而律之輕重頓殊者情之異也老吏舞文或晦通則暗藏活語或所惡則巧招重罪以致情律不同上司翻駁切宜慎之

查舊案

凡事皆有成規始無過錯如上司之定奪前官之中呈如何得允如何取駁如何則利在於民如何則謫歸於上一一考究前事之成敗卽後事之師模也一應該房歸結有大節合大卷宗取十餘宗參看則行移體式俱在其中而上之所此

詳卽我之所行於按屬者也。至於上司見發之事尤宜尤心。要見此事曾否問理有何成案從頭徹尾仔細考覈百凡與革事宜要考何人創議何人申否舉行及利弊根源亦須無礙。

國朝律令

祖宗舊制方可舉行母狗已見母惑人言母以一時稱便而遂行母以一事齷齪而輒罷通融等計務合時宜庶幾可久而無弊。

置紀指

紀指所以備遺忘居官最爲緊要到任後須置上司轉行勘合簿一扇明開奉到月日并略節緣由以便完結置上司批狀簿各一扇以便徵報置本衙門受理詞狀簿一扇以便勾稽初仕錄一十三

銷置本縣牌票簿一扇以便稽覈置接邊文簿一扇以便關發查軍匠簿各一扇以便勾補置公同簿一扇以便支費有在官人役簿以便點閱有監禁簿以便查考有禮儀簿以便出納諸簿皆用鈐記委各房該吏書之親爲收掌匣中不時檢看別置一經摺日懷袖中凡遇機密緊急重情逐一登記暇卽覈覽平日行過政績上司旌獎文移凡考績當循者錄而成書庶給由文冊可擬而酌準矣。

重文移

有司所以取重上官見畏更書者皆在文移須先叅以成案獨以詞采裁定體式酌量事宜務求詳確明白不拘大事小事照驗照詳皆宜先府後司勿令毫越取怪稿取訛定更須詳看一審如改洗字樣數多痛責該房吏書重寫紙必

堅厚字必端楷封必完固方快觀瞻若專委吏書漫不經良使得改甲爲乙移重作輕上司看破卽以庸常待之或批駁或提吏信事敗名所損多矣其起送官吏監生等文書約卽日領庶可免該吏之需索也。

謹命押

金押之際吏書倚以爲奸尤宜防範逐日六房照依關日所開公文件數次僉次僉先盡上司申呈次及本衙門牌票一有發行卽時立案毋得後時捲補虛擡月日非惟悞事亦以長奸其僉押時須將原來文移查對否施行及應僉押者應仍令高唱僉押明說此起文書爲其事該如何區處略節情由并指山裏關詞語以便檢閱一應來文須親手開拆先看封條上開件數及封內文移年月殊語應看者畱看應發房者發房遇有機密重情卽袖進衙待計定後發行慎毋輕泄以致敗事其發行文書當令吏人對面點封以防失帶洗改情弊等聞奸吏有將本不差字樣故先洗改眩惑上人如來文原甲字改作乙字仍又改乙爲甲雖明辨者却於甲字生疑而不知本來是甲固已中其奸矣如緊關文書不宜入遞或密差人或親齋投遞以防停滯開拆之患不可不察。

考銷微

公事幹辦全憑查比猾胥作弊利在牽延故上司一應緊急公文牌票俱要嚴限日加及時銷繳於每日金押與時取原立牌票文簿對查要見何日奉到其角公文及何吏承行何人勾攝遲違不結者痛責之將某縣里分分爲三等離城三十里限一日六十里限二日九十里限三日寫貼書案兩份

其有差人捉解犯人押追錢糧或批發糧里詞訟在於本縣
門內量力遠近限期追逃逐一比較如律旨之入於
人數中分別勸諭以禽勸懲每事實成該吏方有統領分派
親書完訖其牌票金抹貯庫以便查考庶免該吏受財泄滅
之弊然一事止出一牌催則內開小票止拏原差之人不必
改牌另差致生醫擾若夫小事止用言語分付催辦完結不
必牌票紛紛起民慢易也

圖地理

凡一邑地里所當周知到任之初令四鄉里長將本管地而
山川寺觀田土溝渠陂塘橋道舖舍公廁壇社大小村坊市
鎮各晝一圖務期詳悉周遍更令善盡者以縣治爲主自近
而遠集爲一總圖如山川之險隘湖蕩之綿衍人煙之稠密
初仕錄

村鎮之大小舖舍橋梁之修廢某處當防盜賊之出入其處
當防水潦之不時某地爲膏腴瘠薄某方爲僻靜繁衝按圖
備覈易如指掌非惟勾攝征輸限期可定而興利除害亦將
次第尚行矣

承上司

上下相承自有體統其於接待之禮必須參酌舊規率循中
制一塵不動丈量事之數貴潔不貴多有禁則止門房
吆喝亦雖整齊下程伙僕之數貴潔不貴多有禁則止內房
側室必須親督役人灑掃庶毋煩事且上司所以有不協者
因下慢違須將前所造上司公文簿一扇日置案前先標按
次二司次府州挨日填註開直前件小事限三日大事限十
日卽與處分銷繳如委別縣查盤會審隨卽離任幹辦若果

難完亦須呈章以爲棟急可也其有與上同意見不同必積
誠以動之婉詞以告之若猶未允則再見而與語之萬無不
可回之理苟阿意曲從背是而非惟罔上而失已亦多矣如
此而上或有怒形之辭色尤必從容酬答認爲已過且存心
請教其言果當卽爲改從若強辨飾非曲爲掩護亦非事上
之禮也至於上司案驗條款皆地方事宜所宜遵守令吏抄
成書冊逐一恭摺舉行如開防詐偽一切告示卽置木牌粘
帖揭示仍候按臨張掛憲綱錢糧倉庫等冊必如式頒造報
自收定庶知來歷又必先差人訪前路如何登答城徵整齊
下馬卽遣若漫不經心疏忽失畫不可也其將見上司之時
先令各該吏典將錢糧獄囚等件及批來狀詞已未完結開
一小帖細覈以備應對上司矣至吏典止與應得口糧嘗有
初仕錄

藥乞牌拘船里者彼將乘機詐害火一可從或將人夫手本
懸要折乾者斷不可與例無口糧脚力不可概給亦不可縱
入六房需索以壞觀瞻益凡應按公差須量事之輕重之急
役之高卑隨宜應付雖不可慢辱亦不可過爲優待將不即
風希望不副其求而怨謗者多矣

處條局

君子處己處人勤須自立况同僚每多異途尤爲難處傲則
怨而謀蘖之和則易而抑侮之欲其同心協濟難矣然必正
已以率之循理以處之抑其勢恤其家儉制其下人其過小
則規諷以言其惡彰則勿任以事亦必從容和緩勿激而威
嚴大抵律已當嚴待人當恕以已之廉病人之貪貳然之道
也至於軍職性多剛狠相見必以禮法自持不可詭言輕妄

杯酒交歡防檢一疎爲其所免多矣且軍職類多貪污主令軍人捏與訟訟或誣告平民或牽連婦女移文令罪財物是宜慎重不與開行必申白上司定奪此亦舉集事例也若軍於有司告取錢債則審實令老人追還其有該役犯罪軍人開白上司徵之以法非惟得禮亦足以制豪強矣若大所屬軍官宜加憲察俸祿必依期開給緣事必量情處分教於幹辦者獎勵以作其勤短於才調者優容以貸其過失勿輕爲呵責動加問黜以致一朝去官舉家失所甚有墮落備奴承難鄉井當省念之至於陰陽醫學教讀各有攸司如陰陽責其日咎更等時刻不可違錯蓋人命係幸文書期限及諭督盜賊皆欲視此爲候也如醫學責其精通脈理日守惠民藥局或天災流行或禁囚瘟疫不致庸醫快傷人命也教子弟者不可不加之意也

防史書

史書之弊古今通患其人不可闇而其勢故親惟其最親故久而必至無所畏惟其不可闇故久而必至於奸欲其畏而無奸莫若嚴於自立而常加稽察也故曰治民如治牙列激之則益昏治吏如治牙列激之則益利左右非公故勿與語

食勿使交通富室說事過錢以致漏泄機密漸起侍門也書使管牧錢糧勿使亂出牌票非呼喚不近公案非間及不許安樂日夜常川善辦公務不許閑逸勿使出外縱遊審索酒食勿使交通富室說事過錢以致漏泄機密漸起侍門也書

手不拘贊手有犯卽問如律另置木碑兩座樹於堂之東面近下門禁約六房告示大書深刻以備觀塘一云六房吏典各照房公辦事止許直堂直印史各一人常川候伺其餘非奉呼喚不許擅自上堂探聽公事每日各將次日應僉押文書申刻先期開稟以待至期拏大僉押毋得混亂敢有互相爭鬭者各責二十無故擅出公門者各責二十立爲常規的不虛示一云仰各房該吏凡遇稟覆公事自上而下僉押文書自下而上先蓋上司公文次及常行牌票字樣毋得差錯如違重治不恕如此則吏著知畏而事不爲奸矣

馭門隸

門隸下人類多積偷恒至敗事門子須擇慎實者充之半年一換准受詞狀勿使經手以防抽減斷訟令遠直丈許勿容

近案以防匪竊一應機密事情勿使覩知以防漏泄皂隸兩旁分立抽簽行杖不許逾越凡事不許代稟杖畢不許充錢比較棍里不許需索常例訪出物號問發蓋此革如孤凰然少一人是一蠹也

別善惡

居官者以彰善掩惡爲公以抑強扶弱爲正故訪察固駁入廳閣而旌善申明近多虛設有司亦當加意訪求或得於士論之所稱揚或得於里老之所舉報或得於小民之所告發灼有顯迹密書於簿俟其有犯參酌處之如良善之家事有過悞者間爲貸遣如積惡之家累犯不悛者重如懲究借一人以勵衆可也以至權豪勢要之家不時作惡已多慮官解治或假託士夫巧圖引見納文門吏憑藉爲奸一遂其欺則

陵縣鄉民肆行無忌矣不可不察

審權機

君子貴未然之防意外之慮或遇賊徒嘯聚欲因叛逆或大延民居或盜攻庫藏以至妖言惑衆他變猝興皆所當慮必須沉毅以定謀略敏以應變安靜以鎮俗勿先事而惶惶勿臨機而怠緩憂喜勿形權機勿泄廣集衆謀斷以獨見從容以應之可也如賊徒囁聚急則速爲撲滅使其無成緩則多方撫諭令其自散大率盜情在急緩則無憚矣如獻囚叛逆常在暮夜皆由居常不謹使然間變未宜輕出傳呼六房守護庫藏次令巡捕該吏督率禁役火甲地方民兵人等牢閉城門疾踪銳捕倘有縱逸隨出一榜期於必設可也如火延居民聞報亦不宜輕往須防有設計乘機劫庫刦牢者且先着同僚一人救護稍定即親出多令人役把截巷口路頭以防劫奪其有切近公廨者須令折鉗近火房屋以防延燒也可也盜攻庫藏如其類不一我有先備力可擒制則集衆以祛之萬一賊勢猖獗我無先謀急宜密藏印信徵服以出委督民兵火甲多鑄銅鎗以助聲勢設爲邀伏以絕去途亦應變之權宜也至於妖言惑衆者類多愚民其黨必衆當假別罪以治之如有妖言肇跡遠投諸水勿使變爲大獄延禍無辜人抵發無常形憲不預設惟肯微慎以防微多詢以廣識庶不至於周章無策也

吏屬

公署委
張官置吏各有職掌先令吏房開具各房見在吏幾名缺吏

幾名及丁口經事幾名書手幾名以便查撥并開各屬衙門官吏有無完缺及陞遷署印以便委差一應參文以領劄授到日期爲先後不可聽憑請託亦移權管各屬官缺印與申呈轉達除補勿使義民等官營求署委以啓嫌疑公事一有差錯必須檢具狀兒上司怪責或幕官日來或正官督文先問當該官典遲慢違錯罪名大乃立案改正施行慎勿掩護小失而招大尤可也

戶屬

慎倉庫

倉庫爲宇官第一要務收貯必謹稽查必明到任交代之際尤宜詳審即使民倉收稅糧必禁糧長刁盜畱難多收虛半之弊又書民早索取常例等錢重治示衆允遵首先明出納

初仕錄

九
二十

貴登簿必稽嚴以警人心此當慎者一也預備倉收贍穀各處須置本牌編定字號仍收見貯數目原收年分與自己收執厥經對同庶上司委官查盤舉目可見年久朽腐者申請糶賣以換新穀仍令逐年新舊倉老斗級交代之時當官告盤明白取具舊役供結在官卽與更役定爲常規非惟有益於官且免役人守監累贍之苦又置倉簿二扇鈐印一存縣一付斗級犯人贖穀先著縣簿給小票掛號發犯人赴倉交納半給亦書簿給與犯人收票赴縣銷繳庶免侵欺此當慎者二也庫收一庫金銀等物置簿給票亦如預備倉之制天秤法子較勘公平勿令抵換當堂稱收各封編號備寫姓名數目與簿相同庶便審盤月終則總開核管收除實在之數凡一應解發支用者須親筆填註項下不必另立草簿及

移置別所以致上疑倘庫子告有美餘不宜聽從彼其狹制此當慎者三也

明課算

公事浩繁須憑查算如稅糧鹽鈔農桑改折改價藥材軍需造作等項一遇上司坐派須將某縣里分除去逃絕備查原來會計通融均派查算的實然後申呈上司無從專委吏胥或草率成案以糊上官或飛汎作奸以虐下民致有不公不均之弊其時磨勘爭差受累多矣凡居官者不諳算法須擇能算者一人於凡錢糧數目再三覆算分毫絲忽無差方可填註申呈批解仍取該吏查算相同供結立案以備疏虞至於本縣經費難動官銀尤宜用心酌處須就一年之中量入爲出如六房紙札作若何勾用上司賓客送迎作若何支持接詔應貢科舉作若何供給總約大數以爲定額更立簿籍按月填註將自問詞訖紙價等銀明白支銷私衙日用不可分毫侵蝕然此費雖出於公於法有礙尤必詳爲開註嚴爲隄防毋致虛役才候候使上司猜測可也近有因此被點上官竟不究其公私者時可畏哉

節供費

士君子處已貴嚴處人貴厚如縣家庫子供茶飯紙燭里長供心紅下程坊長櫃長供酒席買辦雖各處規制不同大略近之須最爲裁節如設茶點燭火不可省者當以官銀給之賓客過往額設下程專責老人酌定三等各計斤數送時當而呈看倘一稱量之如物腐敗且不滿數者必重治查叩之遇使客報到雖夜必出一見必備下程乃主人待客之常禮

課物併錄

田糧飛洒詭寄等弊日積月甚清查爲難丈地均糧之說奉

皆不可見者遞吏續之其該遞脚色下程手本并心紅紙袋禮物件亦須預備待用可也

清田賦

田糧飛洒詭寄等弊日積月甚清查爲難丈地均糧之說奉有明禁固不敢譏然亦嘗爲之處蓄田糧所以多弊者山質均之弊其時磨勘爭差受累多矣凡居官者不諳算法須擇徵黃冊之不同巧竊女戶子戶寄庄名色不一清源之論須於造冊之時究心置立一簿先縣總次都總又次圖總三冊總算相同實徵必與黃冊相對如子三要見從民本戶分出女戶要見實在有無男丁仔莊要見何縣人民有無官宦化分者歸併隱漏者開報許冒者革除其有虛糧數多者挨批挿標明開四至畝數然後編號查田造魚鱗歸冊以核其實卽將欺隱田糧大戶責令認回遺糧貴在補足原產不可額外加稅亦必親臨踏勘俾勿轉委生弊可也大率錢糧之事收爲難明惟老書宿儒深知弊源來歷而同圖同區之人始知其由故坐落去處分明欲清其弊須拘歷年積書經造幾次黃冊者歲之以重刑誘之以出首及本圖本區有能百告者卽令補其所暗虛糧之額則奸無容而弊自清矣

造黃冊

黃冊十年一造實民生利病所關苦官者每以弊端叢橫不堪清查委之更書蠶政多矣須於未造之先預令里甲各將該圖戶丁田地開割在官取吊數解黃冊荷底并積年書總及見年人役滿別查算先縣次都次圖各總數目相合造具草冊如里長消乏者另行金替申首逃絕者卽爲援補虛糧數多者細求根源與之查核其有田土抛荒者着落該圖分

佃頂辦糧差田地買賣有嚴責該書准收各歸本戶丁口之報不實者該甲同罪有能自告者情充實其紙劄工食之費著各圖買田收戶之家量納紙張里長出備桌櫈書手自備飯食切不可因而科派草冊初成其有告爭改正者督對既明不許再擾以致遷延悞事也

勸農桑

勸桑之說類爲虛文況長令一行動增警擾但能於農忙之月省其詞訛節其事呼縣其工役緩其征輸間一郊行察其勤惰如遇田土荒蕪者量爲懲罰兼夜力作者稍加獎勵則令行而民不擾矣

寬刑西

官中卯酉不過待其催辦糧差追呼訟訟而已太煩則失勞勤情如遇田土荒蕪者量爲懲罰兼夜力作者稍加獎勵則令行而民不擾矣

國初仕錄

子三

國初仕錄

子四

徵收之期較勸子糾印烙分公訪有極多大戶及奸猾之家施欠之家指名曉諭便改過依期完納如違期不就一二入庶餘知警異其比較摘出欠多者懲之早完者之亦激勸之微權也若有遠年逋負暫爲緩懲雖上司嚴督亦當曲爲區處所徵起解稅糧不可先期報完及空文解出以累解戶其收頭人役隨地方所宜可去去之不可去嚴察之銀俱入庫必上倉時加稽考則侵欺者寡矣

審均徭

均役十年一編俱憑丁產其間有飛詭花分之弊或託鄉官士夫影射歲畝優免或託逃亡死絕戶積虛糧或怨歸官府須先期拘集該啚里老耆半分投開報上中下戶仍行面審以驗虛實先算縣均徭銀差若干力差若干每丁起銀若干通融算計明白又將當年該審均徭人戶若干序列上中下三等開具龍頭蛇尾冊次將徭役名色何爲極重何爲次重何爲稍輕何爲極輕亦宜分別等次上戶與之上役中戶與之中役下戶與之下役俱親筆填註遇而復始務要輕重均搭此法惟于不分戶地方最宜其有民俗刁巧花分子戶去處更宜酌處編審之後明於榜上各名下開註其戶田若干准丁若干每丁幾錢幾分算或優免若干今審其役銀差若干力差若干有隱漏作弊者許人首告仍各戶給一由帖以杜爭端以便徵納其應納均徭銀兩當堂公收不可委老人等役恐爲傾攢馬丁人稱廢瘠齊夫等銀不可委僉屬自收恐其倍取惟徵完經送有缺扣除可也

廣商稅

關市之征固不可廢每見官府差遣巡視手忙脚亂津往往往得賂則私與放行不得則駕名匿稅甚少聚羣儉搜籠稅遂致望風畏遁驅之而去者多矣不若_{各處司曉}諭客商商奇政細人盡行痛革自然人心悅而界_中其所以取商稅亦須逐日登記文解必明毫髮不與經手非惟杜絕奸欺抑且免招物議

平市賣

古人以獄市爲計以市者奸詭之所藏訐爭之所始也須爲榜諭價從時估務爲南平母爲騰貴各色鋪行月朔呈遞結狀如塞沙濱水之類俱痛革疏通錢法凡多寡高下期在便民行使低銀則查究傾銷之人重加懲罰斗斛秤尺官爲較勘間覈其虛實違者罪之至於牙行通貨雖不能無要截除

初仕錄

卷五

騙之奸尤所當禁埠頭射利要津把持船戶必須編號在官治其誰詐可也開張賭博之家往往窩藏盜賊爲害非小飲酒撒潑之人恃強凌善許地方不時擒告枷號示衆以杜禍端亦治市息爭之一法也

理鹽法

鹽法國家所重其禁固嚴而濱海煎熬亦爲艱苦今有司法民者以鹽務爲不急理鹽者復護寇而病民皆非一體之義也君子爲政務在公平凡愈丁告及革蕩然鹽民果有侵其利者必爲分理寵丁多貧民產家果殷實者例當民差及有鹽徒私販及秤手窩家必先嚴爲禁約如情衆行強勢難輕動須密訪治可也或首肯有擔斤不滿目者任民自便亦可也私獲之鹽務須官發鋪家兩平交賣若徒強給富民或定

救災荒

古稱救荒無上策惟其備之無預故也須於未災傷之先不時詢訪鄉都里老嫗都常旱某都常水陂塘當築者築之水利當與者與之使蓄洩有備先事之慮也常平便民等倉皆爲救荒而設須於歉收時糴買貯倉或罰犯罪之上納散舊易斬勿使泡爛其粟可支一二年則亦可以無患如不

初仕錄

卷六

幸天災流行特多旱澇先期拘集地方里老嫗自路勘各都災傷分數多少卽爲申報上司量行寬恤亦須多開一二分以備減裁其有貧難下戶例當賑濟者多方審實不可委之皇老索錢虛報又須算計在倉在庫銀米若干應賑饑民若干懇切申詳開給如穀少人多或申請上司給發官銀或權放在倉存畱糧米或勸借富民出粟賑濟以候豐年處補或興工健役以蘇貧民或增價招雇以來商賈皆權宜之術也至於賑發之日編置貧民戶籍各因鄉都遠近立定期限仍令義官監生人員照里俵散庶無稽滯若發銀兩亦宜逐封齊備先以長牌書寫都圖各照地方倚立不得混越如某都該一千名數一千封以盤盛之親自按行給散一日可完切不可聚民城市淹畱時日也其所給散尤宜可節勿使混雜

賈支後先不繼如煮粥濟民須擇寬敞潔靜之所使辰入已出午入申出一日兩散勿使過飽亦不得令相枕藉致生瘟疫此亦救荒之良法也

禮屬謹儀節

敬天敬君臣子首務居官舉勤尤士民未去俱宜慎之凡一聞詔旨先期分付禮房查明會典儀節併合用事宜開具戒

酌其能停形仗及儀從鼓樂人等俱要鮮明慳肅至期作速出迎歛得延緩以致失悞比至享舍未可先與役丁行禮隨迎入城衙門開讀畢卸朝服方見使者毋得外悞以致失儀其吉凶詔敕并習儀拜牌諸禮須慎擇禮生一循儀注舉動如禮倘禮生差錯先責禮吏以警之庶人心齊一也一應祭

國初仕辭

士子

肅公宴

禮節歲事之首所以作民勤勞非為樂也凡舉行儀節分官吏僚屬先後班次先一日令禮生及該吏員期省令司致臨時舛錯芒神土牛各隨民俗所宜春花春秋無惜小斂分派里甲若徒廣列媚侵唱闖市井酣歌痛飲喪失禮儀所當戒也大率禮儀以豫講素閑爲貴儀注必先定舉行必中節儕屬下人必先戒諭則儀範端而觀望肅矣

安莫大於鄉飲食品物禮儀須先整飾尊賓介饌務求待人預於平日訪問士大夫詢之學校及查考歷年與請人員如仕宦必須以禮致仕取重鄉評如耆宿必須齒德俱優表望里俗或遺僚屬代名敦請或託師儒踵門申敬所與必賢所請必至禮行必恭毋徒視爲虛文可也近見有司不以鄉飲爲重士夫亦以不與鄉飲爲高皆失

國初仕辭

士人

朝廷化民厚俗之本意天至於公堂之宴或會僚屬士夫或舉陞遷祖餞皆禮儀大節務須敬以成禮和以洽情不宜絢結錦綺多張雜劇妨民敗度恒必由之凡宴品物不必侈靡器皿皆從質朴位次名以尊定微饌坐以待完庶無遺失遵豆混亂儀節也夜飲宜防火燭須恤下人尤所當察

正風化

爲政必先教化而倡率始於躬行雖家庭隱微勤循禮法以爲民望尤宜時切訓誨訪有孝子順孫義夫節婦量加優異歲遺粟帛以激勸之其父子異居兄弟爭訟夫婦反目有傷骨釋放輕犯緩用刑罰但當省諭者宿道隨行祠廟不可澧集人衆以妨農工真如痼疾切身天人自當感應也立春

發屋門隱事者弗爲揚暴或詞訟干連婦女者暫免拘提皆厚俗之道也。至於民間婚喪禮儀固宜從俗然或過爲侈靡至有破產嫁女居喪作樂者或胥爲儉陋至有溺女不舉忍於人葬者所宜禁革尤必訪其風俗之偏弊最甚者曉諭而力反之可也。旗子樂婦不許混入良家僧道師巫不許肆行邪術聚易賭博放鷹逐犬者枷號示衆更宜叮嚀告戒三月不悛者報名籍記犯出比衆加治罪及父兄庶幾教化行而風俗醇矣。

廟學校

學校風化所關而養士須培氣節近見有司務作養之虛名者或請學校徒而問廁匪人類招物議或偏私陰厚而勢難周徇反取怨尤至於矯枉過中肆爲凌辱者則又嚴爲禁絕。

初仕錄

而門隸細人或得以呵晉衣冠情不上達緣事則故爲推抑不得比於齊人僉役則或及隻名而裹衣奔走致妨功業皆非政體也務宜厚爲禮待諭以臥碑有事則家人抱告務爲區處應免徭役卽與依例豁除勿令擅入公門自貽穢慢貧難死喪量情優恤以至季考較文第等行賞蒞學講書申明孝義務在優厚使之興起廟宇公廨損壞卽當修理神牌祭器新舊必期整齊教官私室勿令倒塌致難居住號房齋舍以時補葺無廢舊規齋夫庖丁慎其撥遺門墻匾額歲加粉飾此亦崇儒重教之一節也。

禮士夫

境內士夫皆吾賓友父兄之禮義不可廢務須虛心以謁訪降禮以延接道誼以相與無間存亡高下凡遇吉凶慶弔遠

行達回之事着禮吏先期呈報一體行禮無爲淡薄一應起文納監當日卽與辦文無令畱指或有訟於士夫名諱者預戒刑吏開職銜毋得混行牌票許其子弟家丁代理事有於察方提面鞠至有以事請見者縱不可從須假詞色毋得閉門峻拒有送帖者卽許稟入事妨公道亦不阿承若遇獎勅朝覲給由諸凡以禮來賀者先期帖示固辭勿使虛費旗帳彩段戒飾把門人役不許放入此厚往薄來處已處人之道也。

恤孤老

養濟院之設所以恤窮民也宜常往親視月糧依期給散冬夏花布先期開領有依倚者查明革退母容濫收無依倚者責令糧里舉報毋容勒摺不計甲頭總領糧銀改使每名剋減及該吏袒報已故虛名冒支侵費住房場損卽與修蓋有病卽與檢醫調理凡獲贓破衣倉餘腐米間一分給以示存恤切不可令其下鄉催徵而害良善可也。

兵屬

金公役

公門應用之人所不可闕皆於均徭審編須先問土俗要見何役最輕何役最苦何役人所謀允何役人所規避如門皂禁子積年白役害人者固當革除然亦須新舊參用擇馴謹畏法稍諸事體者充之庶不悞事待其有犯卽革可也鋪兵弓兵須附近居民金補以便巡邏傳遞訪有積年一人而包充數名者卽爲問革渡子水夫必須熟知水性歷年經事者爲之仍禁強攬害人之弊至於火夫之役所以巡察地方防

譁公解倉庫獄囚者也排門編役須勞逸相均無使胥累并多方差遣以致城市之民疲故不堪各項人役着役時兵房多索常例亦須嚴爲禁革可也

重軍需

軍需爲國家重務如脅襍褲襪弓箭弦條俱係歲辦錢糧須逐件估看某該物料幾何價值幾何工食幾何寧使價值少寬以求精緻庶免解部駁回重累役人也近見包攬之徒多收里甲銀兩而製造極爲粗惡脅襍異中貰沙久則腐爛所造弓箭皆不如式或差官自買料召匠團局製造亦可也古稱器械不利以卒于敵南北風土異宜今南方所製箭鏃弓弦之類解至邊塞苦寒類不可用頭盔衣甲脅襍鞋又皆減剋成造率多虛具加之內府需索畱難解役有百倍之苦軍士無一分之用有識者每議解銀至邊聽其自造誠爲有益而壅隔不行可嘆也

查驛遞

驛遞通傳使命文移事爲緊要其弊實多北方多馬驛上馬每疋四十八兩中馬每疋二十四兩類多侵冒而馬頭當日支費亦甚不貲可憐也南方多水驛其津駕船隻水夫日逐支應者雖有公費而多餉大庫子賄賂均係僉充者率至敗家而往往查盤者不察坐以侵欺之罪視北方之馬頭則甚苦矣治有驛遞者所宜量爲調停省其支費可也如清查之法須審其額設駢馬幾何有無倒死日逐過客供應幾何有無真正關支有照鋪陳審其成造年月有無爛損當爲補給因從審其發到日時有無冒替買放當爲勾補官房鋪舍審

其倒塌者卽爲修葺使客往還責其速爲應付無得再難免給人夫置單查叢母使虛掩實數一應上司按臨先期關白下程器具必須整齊此雖候道之職亦居官者所當念也

清軍匠

清理軍匠奸弊甚多到任之初分付兵工二房開時整下軍匠兜底冊以備查考如遇奉某字勘合發冊的名來勾方與檢冊解補如果丁盡不可輕信來文輒行提解以致督擾戶絕者須拘里老查審取結申呈憑上定奪其應解人役立爲格眼冊將該圓分逐年輪流量地遠近拘保家親屬比較批剝鉗繳至於審匠則又不同有解人者有追解匠班銀兩者工部原給小票皆推稱大廢不過爲欺賴班銀故耳往者難究自今置簿猶爲可及吏書需索紙價金改字樣等弊亦歲革之可也

肅巡警

凡事貴未然之防而公堂倉庫監禁尤爲緊要派定民壯火夫等役輪更交替梆鈴不絕巡風捉牢先遞結狀次早回風至晚封門間出驗看以防私通出入城門匙鑰嚴禁守城人役以時開閉間一查閘以防竊虞城中編民壯總小甲領牌巡綽地方次早四隅各令一人回風無事雖有小盜必首及衆役庶肯用心近河去處抽梆打梆者多出船戶須先將魚船行船編定字号凡遇失事不行救護者治之更置巡捕船隻分派民壯以防水路城船一有警發鳴鑼敲梆以助追逐皆不可闕者也

設保甲

保甲之法於備禦爲良行之不善適爲民擾如每村八十戶爲一保保有長十保爲一團團有長副長擇富有力者爲之各保置一本牌書十里姓名男婦丁口作何生業不許富賤逃亡無籍之徒盜發則各團督率壯丁互爲應援以統鑑爲聲息有功首賞不應者罪非不可息盜安民也但貴行之易簡不可擾民又慮保長生事須嚴禁約且防後人緣保長名色伸指爲富貴之家因而科擾而富室窩藏者又竊保長之名以自光復恃強私准民詞當官曲稟乘機嚇誣而爲民病多矣嘗欲卽保甲之法而削化氏厚俗之意各保立一本牌

大書教民務文明望每保輪一知事之人巡行明誦俾人知所切記其有義夫節婦孝子順孫約有善行者許其至舉其或不孝不弟爲非犯倫惡迹顯著者許其指實開報署倣藍

田呂氏鄉約隨其平日居相密邇情相親厚者各自爲約婚喪相助緩急相濟患難相扶持如果能依約舉行藹然成俗者訪得定加獎勵以警偷薄則非惟盜賊息而民風亦可厚矣

簡民兵

國家於衛所之外復有民壯之設無非防戒不虞也近見東南腹裏地方盜盜生發有司以國家重禁不敢輕用一軍動驅民壯衝先攻刷殿後有全陣覆沒而不以聞者且其所用皆素不敎練之人而驅之死可痛也每名該歲給工銀七兩二錢多爲奸頑欺賴而有司漫不加看平時守舖守城上司送迎并應官家工役疲勞困疾苦不可支而一有照差器皆自備枵腹待斃死轉去委拏是民既出力以供軍而復捐

軀以代死於是有点檢民快而苦倍從軍者矣有司以令民壯之時必求丁多壯實之家汰其老弱革其包槽均其差遣足其工食責令巡捕官按時操練正官每月一次親閱教場以簡閱之始則擺列戰陣中則比較弓馬終則各陳武藝命吏記箭報名等第賞罰兵房密要常例者痛革總甲持強姦詐者重治凡役立簿輪差勿令偏累糧戶拖欠工食必與追還偶遇盜發着令巡捕官統領巡捕亦安不忘危之先慮也刑屬

嚴告訐

放告明開告示或三或六或九每放告牌出挨圖逐里進入每十紙一封當堂鈐記收入箱內以防抵換抽減公門大書越訴笞五十誣告加三等着實舉行勿作漫言致民輕訟嚴

初仕錄

三

禁頭門儀門皂隸遇放告日大開不許攔阻需索其有機密重情隨時進告不在此限凡告衙門中誰索者許大聲喊告以防壅隔情輕者卽時責遣情重者補詞立案凡准詞訟勾攝不用公差止批仰本圖里長拘喚大小俱不落房用半印掛號承發再用一墨圖書上刻示本縣詞訟止差里長一牌不到者改差皂隸再不到者卽頑民矣不問事之曲直定行重治除人命強盜奸騙外其戶婚田土願和者聽等語印於狀尾如已和息里長止帶原被告銷繳有領取供杜後日爭端者取供照律發落存卷備照事輕者卽時省發其有人扶柺者重治以警其餘有不願和息各執強辭者始拘干証人犯問理如有叔姪兄弟等產者事係于名犯禁俱以倫理大義曉之責其卑幼者不得已暫令收監使其自悔乃已如有

詞訐閨門非的有敗露者不必輕信濫拘以傷風化至於用刑有半踰六十并有疾者貸之不得已令其在宮子弟代之其有情重宿惡不悛者不在此限

審詞狀

初到先觀民情土俗少准詞狀所准者須逐一精研此觀聽所係面審固爲良法但公堂事冗日亦有限所收狀俱俟退堂細看除虛濫牽涉遠年情節大輕者不准外所准明開某都某圖某人卽與發行着該圖里長拘問詞狀雖多母過三日如告盜賊隱情密與案候以便緝拏有告勢豪雖處未得其情者亦與案候以便體訪不可輕發有公門人役者暗行稽察情罪果真卽與如法究治或量行革役無令眷惡以生別好

公聽斷

初仕錄

卷五

日未完悞民一日生理不可不知

檢屍傷

如聽訟先問因何興詞來歷其有狀內牽扯遠年情詞姑置弗問如首告某人命未結錢糧未完則問曰此是彼事汝何故首他或只因毆詈或只因錢債且問明目前近事而後徐問遠年干涉則眞僞之情自得矣若人命果有干礙錢糧果有侵欺須問革前革後量情酌處若上司發下批詞要究下落如涉虛必與問明申稟以杜後患亦不可阿承上司偏護原告以長刁風也其間訟時如疑難之事先摘取狀內關繫人証隔別叅鞠嚴設刑具誘以甘言如欲問牛先問馬欲問軍先問匠恭伍其辭察其顏色少得其情卽斥之令下取原被告一人上前大聲曰供証已明吾備得真情矣覩其顏色變動啓言舛錯則因其舛錯變動處辨駁之則眞僞百無

失一如差人詢訪不可爲常倘遇重大之事或閑中間各上夫或公庭詢及里長或密切差人體訪間一舉行亦可也

明發落

凡發落訊訟取供固不免令人代書然亦須將原被告兩詞摘要緊要情節備入供內使彼此心服方與盡字不可贍行取供亦不可嚴刑逼寫致有枉濫以失其情供詞但要相對如筆有二款一輕一重寧從其輕者然供詞亦須合極律始無咎駁發下取供之時先摘取原被二家初情填註審單明開某人某事是實某事是虛某合某罪某人該徒該杖該軍某人供明對眾大聲分付庶下無出入上無遺忘愚民不致哄誘矣其有罪者量情或監或保供明者喝放寧家可也凡獄情以速問爲貴毋得淹滯益一人繫獄舉家不寧訟事一

初仕錄

卷六

則五日冬則十日故也初覆檢驗吏許不許相見以致扶同檢驗之法先須闡請屍圖臨時身帶衣香口食薑蒜坐於上風去處拘喚屍屬親隣略節審問事因檢點於礙之人供狀盡字了當先令仵作人等以死爲主量定四至然後與同人吏上前看驗并勒冤身當面對屍仔細驗看傷痕倘冤身說逃未獲衆証明白卽同獄成然亦未可輕漏語言以致吏仵弄奸詐索可也如自縊先看項下八字繩痕再看繫結繩頭去處塵土有無移動并繫處高下脚踏何物及繩帶大小痕跡對同看是沽套頭死套頭或單掛或二字繩繞各要詳審明白若是跌躪死者須看失脚處泥土高低溺水死者須看投溺處及量水淺深生前溺水男殺女仰手脚向前口合眼開肚腹口鼻有水流出指甲有泥死後推入水者口眼不閉兩手撒開肚不飽脹鼻中無水若他物打死則口眼開髮等亂手不拳自割則刀瘞起手重收手輕喉骨上難死喉骨下易死食氣系斷方死若火燒者若服毒藥死者口開面青紫唇舌紫黑指甲青口鼻血出或身發癟石受杖死者打着處瘡痕閼狹男看陽囊女看陰門俱有傷兩腋脰眼小腸有無瘡痕若有病死者形體羸瘦肉色壅黃口眼閉合肚腹低陷身上或有針灸瘢痕卽是病死也凡問人命重情不可自恃聰明輕易申詳以致冤謫或招誘務要事得其情刑當其罪毋狃或案而枉其生母固姑息而寬其死

工屬
興水利
水利無可興能勿壅之而已近見有司以興水利爲名遂致

官箴書捏告壞人已成圩岸破人久居基業反生事端又或利源民財起猜人夫無端騷擾致生謗讟功未成而上疑下塞者多矣但遇境內陂塘圩岸或因水滲衝壞或因年久淤塞看議的確着令附近地方富庶居民量力併工修理如工程浩大申明上司支動無礙官銀仍委信實人員分案督役間一視臨看視每雨水後取具該里執結呈報其有閭去處必丈量地勢高下尋究水源來歷遠近詢問有識者宿何如則利歸某都如何則害歸某保如何然後彼此俱便務真暫酌兩平方始興役又必期於經久可行興工之時各照派集地段登記役人姓名以備稽考倘有豪民侵占害及一鄉或壅塞水源或破壞堤堰勢有阻隔者申稟上司重加懲治則水利興而旱澇有備矣

慎工役
初仕錄
平八

修創最爲難事亦有緊要公解及文廟校房之類恣其倒塌避嫌不顧者非公心也如欲舉行必須半年之後上下信孚亦必先期料量工食木石等項處置得宜如大興作須先申呈合于上司詳允方行如小修葺宜於詞訟公罰中取之如人有犯罪輕者責令買瓦數十片或灰數十斤或木植幾株明白交與管工人役毋得罰銀入庫以生嫌疑其貧無力者量令做工數日亦可

固城池
城池所以護衛民壯防守不可不謹晨昏啓閉須嚴鎖鑰一遇圮壞查照舊規修理之費從何區處丈量所壞丈數動該工費若干卽時申呈上司一面興工修理不必俟其詳允施

行恐致失事如倒塌不多卽當處置修完不必申請亦不可科罰無名督工須選義民仍書記姓名不久損壞修底有警畏紅沙石無火磚切不可用如磚石料灰須每丈作用多少定爲準則庶免浪費其築城濬池大役守城民壯每日量給米一升亦足矣比城隅有低塌處所通人往來者奸盜之資也尤宜時切查究令守城人役月遞執結一遇暴夜越城者捕獲治之如遇無城縣分須築堅厚高牆深掘壕堑多樹柳木亦足防衛矣年歲豐登之日士民同心且有餘力申呈上司徐議築城亦可也

初仕錄終

人初仕錄

三十九

白雲集

卷之三

三

小口木金火中星上同爲氣其餘亦四少

鐵鑄金水火土皆有火人子火星者又曰十成

謂一歲有火德者則謂之火氣此無准也

人子木當行火之歲火加道邦也亦多令人以刀劍等

爭財物出其口者然火一代木也人火相則有火德是火

而火之行火也少其氣則氣火氣火氣火氣火氣火氣火氣

火氣火氣火氣火氣火氣火氣火氣火氣火氣火氣火氣火氣火氣

火氣火氣火氣火氣火氣火氣火氣火氣火氣火氣火氣火氣火氣

火氣火氣火氣火氣火氣火氣火氣火氣火氣火氣火氣火氣火氣